

Վ. Հ. Բզդյան

ՀԱՅԿԱԿԱՆ ՀՈՂՈՒՐԱԳՆԵՐԻ ՊԱՏՄՈՒԹՅՈՒՆՆԵՐ

Բրիչային հողագործությունը Հայաստանում սկիզբ է առել դեռևս հին քաղաքացիական, երբ հավաքչությունն ու որսորդությունը մարդու ապրուստի միակ պայմանն էին:

Շենգավիթում պեղված ցորենի տեսակները, հացի մի շարք հորերը, կացնաձև-մուրճաձև բրիչները, աղորիքներն և այլն լիովին հաստատում են, որ Հայաստանում էնեոլիթյան և նեոլիթյան շրջանում բրիչային հողագործությունը բավական զարգացած է եղել: Այն ժամանակներում արորը տակավին գոյություն չուներ: Կինը հողը մշակում էր միայն փայտե և քարե բրիչներով:

Բրոնզի և երկաթի շրջանում բրիչներն առավել բազմազան դարձան: Նոր մետաղներն իրենց առավելություններով մեծապես նպաստեցին, որ հողագործության մեջ հեղաշրջում կատարվեր: Ահա այս շրջանում Հայաստանին հայտնի էին ձեռքի ճնշմամբ, ոսնահարվածով և ձեռնահարվածով գործող բազմատեսակ բրիչներ (փայտե բրիչներ, մետաղածայր-նիզակաձև բրիչներ, թիակներ, բանջարքադիկներ, նախաբահիր, բահեր, փորող երկթանիներ, քլունգներ և այլն): Դրանց մեջ ուրույն տեղ ունեն հողուրագները: Սակայն, հակառակ վրաստանի, Հայաստանում բրոնզե հողուրագները հազվագյուտ են: Ըստ երևույթին այն պատճառով, որ քլունգները դրանց դերն են կատարել: Այստեղ հնից իրարից խիստ տարբեր մի քանի բրոնզե և երկաթե պեղածո բրիչներ մենք հակված ենք հողուրագ համարել: Այսպես, օրինակ, Շիրակում գտնված է բրոնզե մի գործիք (տախ. I—3). որը Հ. Մարտիրոսյանն ուրագ է անվանել¹: Գործիքը հաստահեղ է, շեղբը՝ կիսալուսնաձև սայրով: Թափի փոխարեն ունի շեղասայր կացնակ, որը հարմար է փորելիս թփարմատներ ու ծառարմատներ կտրելու համար: Այն լիովին պիտանի կլինե՞ր անտառահատական հողագործության մեջ:

Կարմիր բլուրում պեղված այն երկաթե գործիքը, որի շեղբը նման է ուրագի և կոթառի փոխարեն: Ելուստ ունի (տախ. I—1ա) Բ. Բ. Պիոտրովսկին անվանում է ուրագաձև գործիք² կամ ուրագ³:

Մեր համոզմամբ դա հողուրագի ձևերից մեկն է եղել: Այդ երևում է նրանից, որ ուրագը խիստ հասա ու ծանր է, որով նա համեմատվում է մինչև XX դարի սկիզբը պահպանված փետատ հորջորջվող հողուրագների հետ (տախ. II—2): Այդպիսին է նաև Գաւնիում պեղված երկաթե հողուրագը (տախ. II—1):


Կարմիր բլուրի այս հողուրագը հնարավոր էր կոթավորել երկու ձևով: Ամենահարմար ձևն այն է, երբ դրա կոթունը կմտներ փայտե կոթի հասա ու կեռ ծայրի մեջ (տախ. I—1բ): Երկրորդ ձևը դեռևս 1880-ական թվականներին առաջարկել է ժակ դր Մորգսոնը՝ նկատի ունենալով կացնի նեղրական

¹ А. А. Мартиросян, О древнем поселении около Ленинакана, «Տեղեկագիր» հաս. դիտ., 1952, № 10, էջ 89, 90, նկ. 4:

² Б. Б. Пиотровский, Кармир-блур, I, стр. 39, 40, рис. 20.

³ Кармир-блур, II, стр. 36

կապելաձևերը կապիչներով⁴։ Ուրագի կոթունը փայտե կոթի կեռին կապելու այդ եղանակը (տախ. II—2) նույնպես հարմար է։ Սա կարելի է համեմատել Կարնո նահանգին հայտնի այս ոտնուրագի հետ, որը մինչև այսօր էլ երկաթե կապիչով է միանում փայտե կոթի հաստ ծայրին (տախ. I—4)։



Տախ. I

Հայաստանում իսկական հողուրագի օրինակ է ծառայում Գառնիում պեղված երկաթե ուրագաձև գործիքը (տախ. II—1)։ Այն պեղող Բ. Առաքելյանը, վերագրել է VIII—IX դարերին և անվանել է ուրագ⁵։ Մեր կարծիքով դա հողուրագ է այն պատճառով, որ խիստ հաստ է ու ծանր⁶, շեղքը կոր է (և ոչ թե թեք և ուղիղ, որ հատուկ է ձեռնուրագին)։ Գառնիի այս հողուրագը համեմատելի է Արծկեի Բարկատ գյուղի փետատ կոչվող հողուրագի հետ (տախ. II—2)⁷։

⁴ J. de Morgan, Mission scientifique au Caucase, Paris, 1889, էջ 134, նկ. 127—129, Հմտ., նաև ինմակիի դամբարանի նույնանման գործիքների կապելու ձևերն ըստ էմիրի, որ առաջ է բերել Գորգոն Չայլդը (տե՛ս Գորдон Чайлд. Древнейший Восток в свете новых раскопок, Москва, 1956, стр. 146, рис. 46)։

⁵ Բ ր կ ն ն Ա ռ ա ք ե լ յ ա ն, Քաղաքները և տեղանունները Հայաստանում IX—XIII դդ., Երևան, 1958, էջ 138 և տախտակ X։

⁶ Ուրագի թակի հաստությունը 3 սմ է, կոթառինը՝ 2 սմ, բերանից քիչ վերև՝ 8 սմ (չափերը տե՛ս տախ. II—1)։


⁷ Հինգերորդ դարում գործածվել է մարկեղ բառը՝ «բրիչ, փայտառ» նշանակությամբ (ՀԱ, 1897, էջ 246)։ Հր. Աճառյանի վկայությամբ գավառական մարզեղ բառը նշանակում է «մանր-մանր փորել բանջարեղենի սերմը սերմանելու և հողի տակ անցկացնելու համար, սերմը հողով ծածկել» (Արմ. բառ., Գ. 920)։

Այս վկայությունները ցույց են տալիս, որ մենք ոչ թե փայտառի, այլ հողուրագի հետ գործ ունենք (ժողովուրդը փետատ ասելով միշտ հասկացել է հողուրագ, քյունգ)։ Հայտնի է, որ փայտառը (որպես փայտ կտրող գործիք) միայն կարճ կոթ է ունենում։ Այստեղ, սակայն ձողով և երկարակոթ մարգեղով մաքրելու մասին ակնարկը լիովին համապատասխանում է երկու բրիչի, մեկը փայտե ձողն է, որով իրոք մարգերի թվթևակի փխրեցում ու քողհան է արվում և մյուսը երկաթե երկարակոթ հողուրագն է, որով այսօր էլ հող են մշակում։ Գործիքի այս դերը առավելապես հաստատում է մարգեղը։

Հնագույն հողուրագների վերաբերյալ տվյալները առաջմ սրանք են: Հուսալով, որ հնագիտությունը հետագայում պիտի վկայի ավելի անկասկածելի հողուրագների մասին, անդրադառնանք XIX դարից ժառանգություն մնացած այդ գործիքներին:

Վերհիշենք, որ այդ նյութերը, բացի թանգարանային ֆոնդերից, մենք ձեռք ենք բերել այժմ ասյրոդ ավագ սերնդի ներկայացուցիչներից: Դրի առնելիս աշխատել ենք ընդգրկել ազգագրական շատ շրջաններ, թեև տակավին կան այնպիսի վայրեր էլ, որոնցից ոչինչ չունենք:

Ըստ առկա տվյալների Հայաստանի հողուրագները կարելի է բաժանել մի քանի խմբերի: Այդ խմբերը կբնակեն, որքան կարելի է, կառուցվածքների վերաբերյալ հարցերի ընդգրկումով:



Ուրագաձև հողուրագներ (վիճակագրությունը տե՛ս էջ 16):

Առաջին խումբ: Այստեղ ընդգրկված հողուրագներն ունեն ձեռնուրագի ձևեր (տախ. II):

Ինչպես ուրագ և հողուրագ ձևերն են ցույց տալիս, ձեռնուրագն ու հողուրագը նախնական շրջանում միևնույն գործիքն են եղել: Գործիքի այս երկփեղկման, երկու ֆունկցիաներ ստանալու մասին մենք պատմական վկայություններ չունենք: Փաստական նյութերը, սակայն, այս երկուսի տարբերիչ գծերը պարզ ցույց են տալիս: Տաշող ուրագները նեղ են և կարճ, իսկ փորողները լայն ու երկար: Բայց կան և շեղբի չափերի համընկնումներ: Փոքրահասակների և կանանց համար կամ թերևս ֆունկցիոնալ տեսակետից, սակավ աշխատանք պահանջող տեղերի համար պատրաստված հողուրագները փոքր են. նույնիսկ երբեմն ձեռնուրագից էլ փոքր, իսկ տղամարդու կամ ծավալուն աշխատանք պահանջող տեղերի համար դրանք մեծ են: Առաջին դեպքում դրանք համապատասխանում են ձեռնուրագին, երկրորդ դեպքում՝ ոտնուրագին: Նայած հողա-

Ուրաղութիւն հողուրացեալի վիճակագրութիւնը


Անվանումը	Ձ ա փ ե ը					Դիրքը	Կատարողը	Վայրը	Աղբյուրը
	ն.կ.	ընդ. երկ.	ընդ. լայն.	կոթի երկ.	անցքի ձևը				
Հողուրաց	1	16	7,5	—	—	Հող փորել	տղասարգ	Գառնի	ՊՊԹ, 2098 2
Փետրուար	2	20	8	100	—	»	»	Բարկաա	ՊՊԹ, 7270
Պախեղի ուրաց	4	21	18	—	—	Քաղհան, փխրեցում	տղաս., կին	Արտաշատ	Ձեռագիր
Թաքուջակ	4	—	—	—	—	»	»	Նանինց	Ձեռագիր
Չաքուճակ	4	17	13	—	—	»	»	Բանոն	Ձեռագիր
Բոստանի փալ	4	21,5	185	125	—	»	»	Եղվրուզլու	ՊՊԹ, 5369
Քաղհանի ուրաց	4	—	—	100	—	բուկլից անել	կին	Ալափարս	Ձեռագիր
Քախանի ուրաց	4	17	12	—	—	ժողհան և բուկլ.	»	Տափափան	Ձեռագիր
Ավեր ուրաց	4	—	—	100	—	փուշ կտրել են	տղամարգ	Ալյուր	Ձեռագիր
Կաղմա	4	25	10	—	—	Հող փորել	կին	Ալյուր	Ձեռագիր
Չափա	4	30	—	—	—	Քաղհան անել, բար չար- գել են	տղամարգ	Նոր մեծ գյուղ	Ձեռագիր
Ձեռաց չափա	4	—	—	—	—	բուկլից անել	տղամարգ	Նոր մեծ գյուղ	Ձեռագիր
Թակուջակ	4	—	—	—	—	Քաղհանել են	կին	Արար. խոյ, Սուրմ.	ԲԲ, 203
Կաղանիչք	4	—	—	—	—	»	»	Վան	ԲԲ, 203
Քաղհանի ուրաց	5	16	9,5	70	—	Քաղհանել, փշրել	»	Արտաշատ	ՊՊԹ, 5391
Կանաչի ուրաց	5	10	6	50	—	Քաղհանել են	»	Արտաշատ	Ձեռագիր
Ուրաց	5	—	—	—	—	»	»	Էղեձոր	Ձեռագիր
Քուլպա	5	—	—	—	—	բամբակ Քաղհանել, ոռո- գել են	»	Բալու.	Բալու, 560
Կաղիկ	6	17	7,5	75	—	Հող փոր., քաղ.	տղամարգ	Սասուն	ՊՊԹ, 5982
Քաղհանի ուրաց	8	15,5	10	80	—	»	կին	Արծկե	ՊՊԹ, 7289
Չապալա	5	15	12	—	—	փխրեցնել, քաղ.	»	Արծվանիկ	Ձեռագիր
Քրդընհա բի	3	—	—	80	—	Քաղհան, փխրեց.	»	Մեղրի	Ձեռագիր
Հորեք	2	18,2	10	—	—	փորել, քաղհանել	կին, տղամ.	Շուշի գյուղ	Ձեռագիր

յին պայմաններին, բրոնզ իրենց հերթին ունեն լրարակ ու թեթև և հաստ ու ծանր տեսակներ:

Ուրագածե բրիչները տարածված են՝ Արարատյան հովտում, Վանա լճի ափազանում, Պարսկահայքում, Մոկսում, Զանգեզուրում, Գուգարքում, Գեղարքունիքում, Սասունում և այլուր (տե՛ս տախ. II—2, 3, 4, 5, 6): Այս վայրերում թեև հողուրագները զգալիորեն օտար բաղերով են կոշվում, բայց կան նաև աղգային-տերիտորիալ լեզուների տերմիններով կոշվողներ: Այսպես, օրինակ՝ ուրագ. Բաղանի (Բախանի) ուրագ, պախեզի ուրագ, ավեր ուրագ, հողի ուրագ, կանաչի ուրագ, Բաղանիչ, կաղիղի, փեռատ, Բուլպա, մակալ, բոստանի փալ:

Հայկական հողուրագները օտար բաղերով են արտահայտված Պարսկաստանում, Թուրքիայում և այլուր: Այդ բաղերն են՝ թակուջակ-թափուջակ-շափունակ, շափա (շապալա). կազմա-վազմա:

Ուրագածե հողուրագների թեթև տեսակներն ունեն կարճ կոթ, որ 65—75 սմ է հասնում, որով կանանց աշխատանքը կռացած է կատարվում: Իսկ մեծաթաթ ուրագների կոթերը երկար են և հասնում են մինչև 120 սմ, որով սղամարդիկ զրեթե ուղիղ կանգնած են աշխատում:



Տախ. III

Ծված և կցորդված հողուրագներ (վիճակագրությունը տե՛ս էջ 18):

Երկրորդ խումբ: Ծավուղ հողուրագներ, որոնց կոթառը կաղմելով շեղբի շարունակությունը, 90° թեքվում է և կոթավորվում (տախ. III—6, 7): Սրանց նման է կցորդմամբ կոթառ ձևացրած, բայց ձևով մի այլ հողուրագ (տախ. III—4):

Սրանք տարածված են Դիլիջան-Իջևան-Շամշադին գոտում և Շիրակում. Շիրակի Ոսկեհասկ գյուղի մշեցիների վկայությամբ այսպիսիները խորթ չէին նաև Մշո գյուղերին:

Իջևան—Շամշադինի հողուրագը (տախ. III—6) բավական զգալի զոգավոր է. հակառակ որի Շիրակի հողուրագները ոչ միայն այդպես չեն, այլև դրանցից


Ծկված և կցորդված հողուրադներ Վիճակագրությունը

Անվանումը	Ձ ա փ ե ռ ը					Բերր	Կատարողը	Վայրը	Ազգությունը
	նկ.	բնդ. երկ.	բեր. լայն.	կոթի երկ.	անցքի ձևը				
Ուրադ	1	165	23	180		հող փորելի են	կին	Իջևան	ՊՊԹ, 6208
Ուրադ	2	18	16	65		»	»	Նովոռուդու	ՊՊԹ, 5390
Ուրադ	3	19	155	—		»	»	Իջևան	ՊՊԹ, 6207
Ձափա	»	17	—	—		բաղձան, բուկլից	կին, տղամ.	Կարծախ	Ձեռագիր
Ձափա	3	13	—	—		»	»	Կարծախ	Ձեռագիր
Թոխի	3	—	—	—		»	»	Բզովզալ	Ձեռագիր
Ղաղմա-Թոխա	6	15	14	120		»	կին	Իջևան	Ձեռագիր
Կալտաշի-Թոխա	4	—	20	120		կալ տաշիլ, բուկլից	»	Իջևան	Ձեռագիր
Ձափա	7	15,5	165	—		ճակնդեղի բաղձան, բուկլից փորեց.	կին	Ոսկեհասկ	Ձեռագիր
Գալրաբի	6	16	10	—		բաղձան են	»	Ոսկեհասկ	Ձեռագիր
Օոքի մակալ	5	20	—	120		բանջ. և բոստան բաղձանել	տղամարդ	Բինարիգում	Ձեռագիր
Ձեռքի մակալ	5	10	—	25		սոխ ու շաղգամ բաղձանել	»	Բինարիգում	Ձեռագիր
(հողուրադ)	8	13	8	80		բաղձանել, փորեց.	կին	Մեղրի	Ձեռագիր
Ուրադ	6	13,5	10	80		»	»	Սիսիան	Ձեռագիր
(հողուրադ)	6	15	6,5	75		»	»	Ջանգեզուր	Ձեռագիր

երկուսը փափկացրած հողը տեղից չհեռացնելու համար կենտրոնում ծակ ունեն (տախ. III—4, 7):

Ծալվող հողուրագներն իրենց թույլ կառուցվածքի պատճառով վթարման ենթակա գործիքներ են, որի պատճառով հաճախակի նորոգման են ենթարկվում: Իսկ վերջինս կերպարանափոխում է ուրազի կոթառ:

Երրորդ խումբ: Ծալվող հողուրագներ, որոնք սեփական կոթառ չունեն: Դրանց շեղբի շարունակությունը կաղմող սուր ծայրը մտնում է փայտե կոթի մեջ ու ամրացվում օղակով (տախ. III—5): Ի տարբերություն բոլոր հողուրագների, սա սրվում է երեք կողմից, որով ավելի ռացիոնալ է դառնում քաղհանի աշխատանքը:



Տախ. IV

Ճանկավոր հողուրագներ (վիճակագրությունը տե՛ս էջ 20):

Չորրորդ խումբ: Կցորդվող հողուրագներ, որոնք առավելապես նման են ուրագածև հողուրագներին (տախ. III—1, 2, 3, 4): Դժվար է ասել արդյոք մի՞շտ է, որ կցորդմամբ այսպիսի հողուրագների ստեղծումը մետաղի խնայողության հետևանք է եղել:

Հինգերորդ խումբ: Ճանկավոր-երկբերան հողուրագներ: Ճանկ կոչված I—2 սուր մատները (տախ. IV) ծառայում են կանաչիների մարգերը փափկացնելուն, իսկ լայն շեղբերը՝ բուլկիցին և հողի մասնակի տեղաշարժին: Որոշ վայրերում սրանք պարզապես սոխի ուրազ են կոչվում այն պատճառով, որ լոկ սոխի մարգերին են ծառայում:

Չի կարելի ասել, թե այս խմբերի բաժանումը դրանց համար առանձին ու հատուկ միջավայր կամ լարեալ է ենթադրում: Դրանց ղգալի մասը մենք տեսնում ենք միևնույն տեղում, այլ գործիքների հետ միաժամանակ, որի բուն պատճառները երկուսն են: Առաջինը տվյալ վայրի հողակլիմայական պայմանն է, որտեղ գործիքն ընդունում է այս կամ այն ձևը՝ հարմարվելով աշխատանքի պայմաններին: Երկրորդը տվյալ սելդագրական շրջանի հնագույն սովորությունն է:

XIX դ. սկզբներից սկսած մինչև XX դ. առաջին քառորդը հայ ժողովրդի կյանքում եղել է տագնապների, զանգվածային տեղաշարժերի ու գաղթների

Ճանկալու չողորագների վիճակագրությունը

Անվանումը	2 ա փ ե ր ր					Դեբը	Կատարողը	Վայրը	Աղբյուրը
	նկ.	ընդ. երկ.	բեր. լայն.	կոթի երկ.	անցքի ձևը				
Հողուրագ	1					բանջարանոցային փերեց.			
Սոխի ուրագ	1	17	5			բաղնալի ևն	տղամարդ	Այնթալու	ԼԳԹ, 123
Կուլունդ	2					լուկից անել ևն	կին	Ջաջուռ, Կամո	Ջեռագիր
Քուլունդ	4					»	տղամարդ	Առափի	Ջեռագիր
Չանգալ ուրագ	3	17	6.5	62		կանաչի բաղ. ևն	»	Առափի	Ջեռագիր
							կին	Վեդի և ալուր	ՊՊԹ, 5393

հարյուրամյակ: Այդ ժամանակամիջոցում իրար էին միանում երբեմնի ազգադրական տարրեր շրջանների բնակիչներ, որոնք իրենց գործիքաշինությամբ տարբեր մեթոդներ ու ձևեր ունեին: Այդ շրջանում տվյալ բնակավայրն եկողը պիտի լիներ իր բնակավայրում տեղական գործիքները, ուստի և զուգադրում էր իրենք՝ իր երկաթագործների ու աստղծագործների միջոցով: Երևան էին գալիս տարբեր հողուրազներ, բահեր, փոցխեր, շղբիկներ, արորներ ու զուլաններ: Բայց պատմությունն անողոր է, նա շտկում է բոլոր շեղումները: Տեղական բնակիչները, եթե միայն դրանք եկողների համեմատ մեծամասնությունն են կազմում, աստիճանաբար «հաղթում» են. եկողների գործիքներն իրենց տեղը պիտի են տեղականին: Բայց, եթե տեղական հողակլիմայական պայմանները համընկնում են եկողների համապատասխան պայմաններին, այս դեպքում պատմությունը «ներում» է և տեղի է ունենում սպասելին՝ տեղական և ներմուծված գործիքների զուգակցումը: Այս է, օրինակ, Արարատյան հովտի հողուրազների բազմազանության պատճառներից մեկը մանավանդ այն բանի հետևանքով, որ եկող տարրերը (պարսկահայեր և վասպուրականցիներ) բուն դաշտեցիների նկատմամբ բացարձակ մեծամասնությունն են կազմել:

Այսպես պետք է բացատրել նաև օտար փոխառությունների հարցը: Փոխառությունները տեղի են ունենում ոչ այնպիսի դեպքերում, երբ մի ժողովրդի կապը մյուսի հետ լուրջ փոխում է արտահայտվում: Փոխառության նախապայմանները դարձյալ երկու հարցի են պատասխանում. արդյոք փոխառվող գործիքը կարող է իր նոր հայրենիքում քննություն բռնել և եթե այդ գործիքը քննություն է բռնում, արդյոք կա՞նք այն սովորությունները, որոնք պիտի շարժման մեջ դնեն նրան: Իսկ սովորությունը, այս պարագայում, նշանակում է գործիքը վերստին և ճշգրիտ կերպով վերարտադրելը, նրանով ճիշտ այնպիսի ձևերով աշխատելը, ինչպես հայրենիքում (խիստ կոացած, կիսակոացած, ուղիղ կանգնած, կողքանց), ճիշտ այն մշակելը, ինչ հայրենիքում և այլն: Եթե այս հարցերն անպատասխան են մնում, ներմուծվող գործիքները դատապարտվում են մերժման, ընդ որում դրանք կարող են կարճ ժամանակ հետո ասպարեզից հեռանալ և բնավ չհիշվել կամ վերարտադրվելիս այն աստիճան կերպարանափոխվել ու հարմարվել նոր միջավայրին, որ դժվար լինի դրան դեֆորմացիա անունը տալ: Այս պարագայում գործիքը մի տեսակ վերածնունդ է ապրում և իր ծնողի հետ ունեցած պատմական կապի համար պահանջվում է փաստական վկայություն:

Վերցնենք մեզ հայտնի փաստերից երկուսը:

1920-ական թթ. կեսերին Արտաշատի շրջանի կոլտնտեսությունները փորձի և գործիքների փոխանակման նպատակով ներմուծեցին Ուզբեկստանում հայտնի Բեքմեն կոչված հողուրազը: Սրա շեղքը մոտավորապես բահի թափի չափ է՝ նույնքան բաշով: Ուզբեկների համար հնուց հարազատ քեթմենը միայն մի երկու սեզոնում աշխատելուց հետո դարձավ արխիվային առարկա, որովհետև այն տղամարդու աշխատանքի գործիք է, իսկ Արարատյան հովտում աշխատանքը թեթև հողուրազներով կանայք են կատարում: Մենք դրա բազմաթիվ օրինակները գտել ենք Արտաշատի կոլտնտեսությունների արխիվ-պահեստներում, սկսած 1940-ական թթ. մինչև 1950-ական թթ. վերջերը, որոնցից մի օրինակ պատմության թանգարան ենք տեղափոխել 1956-ին:

Քեթմենը շատ ուշ, 1957 թ. Ադրբեջանի վրայով մտավ նաև Մեղրի և 2—3 տարի հետո շրջանառությունից հանվեց: Շվանիձորում բացատրեցին,

որ քեթմեննր ծանր լինելու պատճառով առաջին իսկ տարում ենթարկվեց վերաշինման: Դարբիններն այն վիրահատելով հարմարեցրին Մեղրուն և նրա աշխատողներին: Երկու կողմից կարածները կազմեցին քեթմենի $2/3$ -ը: Կոթառն ու միջնամատի $1/3$ -ը նմանվեց սովորական երկարաթաթ հողուրագի (23×13 սմ), որը ես տեղում չհարմարվելու հետևանքով շարմատացավ: Այդ պատճառով էլ տեղական բրդըթոխրի բարակացրած ու երկարացրած նոր ենթաձևերը հողուրագի դեր են կատարում:

XIX գ. վերջերին կամ մեր դարի սկզբներին Ալեքսանդրապոլի բանջարանոցները մուտք գործեց գործարանային քլունդանման մի հողուրագ, որի մի շեղբը լայն էր և մյուսը՝ բիզ (տախ. IV—4): Չնայած այն հանգամանքին, որ Ալեքսանդրապոլում և նրա շրջակա մի քանի գետափնյա գյուղերում բանջարաբուծությունը աստիճանաբար լայն կիրառում էր գտնում, ֆուլունգ կոչված գործիքը հաջողություն չունեցավ: Մենք այդ գործիքի մի օրինակը 1959-ին գտանք Առափի գյուղի հյուսն Բունյաթ Սարգսյանի դոմում, հին «էրկթմառունքի» մեջ թաղված ու մոռացված այն պարագայում, երբ այդ նույն կոլտնտեսականը բավական ընդարձակ բանջարանոց ուներ:

Սպասելի էր, որ Ալեքսանդրապոլի դարբինները կվերարտադրեին այս ֆուլունգը, մասնավորապես 1930-ական թթ., երբ մասսալական տարածում էր գտել ճակնդեղագործությունը: Բայց այդ բանը տեղի չունեցավ, որովհետև քուլունգը պատրաստող գործարանը հաշվի չէր առել և չէր էլ կարող հաշվի առնել, թե Շիրակի բանջարաբուծներին ու ճակնդեղագործներին, հատկապես, ինչպիսի հողուրագներ են պիտանի:

Ավելին, Արարատյան հովտին հայտնի ճանկավոր հողուրագին (տախ. IV—3) նման մի ուրագ ևս մուտք գործեց Ռուսաստանից (IV—2): Շիրակում անհաջողության մատնվեց նաև այս քուլունգը այն պատճառով, որ հողակլիմայական պայմանները և սովորությունները չհամընկան: Մենք 1950-ի ամռանը լենինականի բնակիչ Ս. Ա. Քստրյանի տան նկուղի «էրկթմառունքի» մեջ մի շարք բրիչների թվում գտանք և տեղի գավառագիտական թանգարանին տրամադրեցինք (№ 123) մի հին հողուրագ: Սա ունի քլունգի ձև, տափակ է և կենտրոնում բացվում է կոթառը (IV—1): Հարցումներից պարզվեց, որ դրա նմանն ունեցել են նաև Ջաջուռ և Կամո գյուղերը, բայց այժմ չբացել է: Մեր համոզումն այն է, թե այս հողուրագը տեղերում վերարտադրվել է անցյալ դարի վերջերին՝ IV տախտակի 2-րդ նկարում ներկայացված ուրագ-քլունգի օրինակով: Այդ վերարտադրությամբ գործարանային ուրագի ձևը բավական աղավաղվելուց դատ սա ևս քննություն չի բռնում և հիշվում է միայն դառամյալ ծերունիների կողմից:

Բայց այս գործիքների չբացումը բնավ կապված չէր զբաղմունքի գոյության հետ, որովհետև այն առավել զարգացման հասավ հենց այդ գործիքների մուտք գործած ժամանակներում:

Կարելի է այսպիսի այլ օրինակներ էլ բերել, թեև սա էլ բավական է համոզվելու համար, որ օտար գործիքը կմերժվի, եթե նրա արտադրությունը կատարվել է առանց տեղական պայմանները հաշվի առնելու:

Բայց, եթե տվյալ աշխատամիջոցը նախապես ծանոթ է եղել այս կամ այն միջավայրին և գործածությունից դուրս է ընկել պատմական այլ պատճառների հետևանքով, այդ գործիքը իսկույն տեղայնացվում, «ազգայնաց-

վում» և տարածում է գտնում: Այդպիսին է, օրինակ՝ գործարանային երկրերան քլունգը, որի նմանը, Հայաստանն ունեցել է դեռևս ուրարտացիներից էլ առաջ:

* * *

Վերևում ասացինք, թե բրիչներն առհասարակ, ըստ գործելակերպի, կարելի է բաժանել երեք հիմնական տեսակների. 1. այն բոլոր բրիչները, որոնք ձող լինելուց չեն դադարել և գործածվում են ձեռքի, որովայնի ու կրծքի ճնշմամբ, անվանում ենք ձեռնի ճնշմամբ աշխատող գործիքներ: 2. Հարվածային գործիքներ ենք անվանում այն արտադրամիջոցները, որոնք ձեռքերով հարվածելով են գործում: 3. Այն բրիչները, որոնց հարմարանքները թույլ են տալիս ոտքով հարվածելու կամ ոտքով ճնշելով գործել, անվանում ենք ոտնահարվածով աշխատող գործիքներ:

Բրիչների այսօրինակ դասակարգումը լայն հնարավորություններ է ընձեռում տեսնելու համար դրանց յուրաքանչյուրի ներքին կապը մյուսների հետ, փոխադարձ կախումները, ելման կետերը և այլն, որով դյուրին է բացահայտել զարգացման ընթացքը, ձևերի ու ֆունկցիաների անցումները՝ էվոլյուցիան: Ըստ այդմ փայտածող բրիչներն ամենախնականն են, որոնց զարգացումը հանգեցնում է հարվածային գործիքների՝ փայտե, ոսկրե, քարե և մետաղե մուրճերի ու կացիների առաջացման:

Հողուրագները, որ հարվածային գործիքներ են, վկայվում են միայն բրոնզի շրջանից սկսած: Ասել է, թե դրանք քարե և մետաղե հին մուրճերի ու քլունգների զարգացումն են հանդիսանում:

Բրոնզե բահը վկայված է առաջին սեպագիր արձանագրություններում: Իսկ Ուրարտում և Հայաստանում տակավին չեն հայտնաբերված: Հնարավոր համարելով բրոնզի բահի գոյությունը Ուրարտում կամ նրանից առաջ, նկատենք, որ այն կարող էր ծագել հողուրագներից, քանզի հողուրագների մեծ մասը ոչ այլ ինչ է, քան հարվածով փորող բահ: Այսօր էլ այդպես են, օրինակ, Մեղրու Բրդրթոխը կոչված գործիքները, որոնք սրածայր բահի տեսք ունեն և քլունգի ու հողուրագի լիակատար սինթեզն են ներկայացնում:

В. А. Бдоян

АРМЯНСКИЕ ТЕСЛОВИДНЫЕ МОТЫГИ

Р е з ю м е

Армения до появления сохи и плуга и на ряду с ними имела развитое мотыжное земледелие. Данные археологии свидетельствуют о том, что в Армении с глубокой древности применялись деревянные, костяные, каменные и металлические мотыги разнообразных форм. Большая их часть в пережиточном виде бытовала до начала XX века. Среди них важную роль играют тесловидные мотыги, которые имеют определенное сходство с таковыми из Закавказья и стран Передней Азии.

Материалы раскопок Армении дали незначительное количество металлических тесловидных мотыг (см. табл. I). Однако этнографиче-

ский материал XIX и начала XX вв. свидетельствует о широкой разновидности указанных мотыг. Последние по своей конструкции делятся на четыре типа. Мотыги первого типа похожи на современные столярные тесла, отличаясь большим размером (табл. II). Втулка мотыг второго типа согнута на 90 градусов (табл. III, рис. 4—8). Мотыги третьего типа черенковые (табл. III, рис. 5). Мотыги четвертого типа двулезвийные, причем одна сторона нормальная мотыга, вторая образует вильчатую форму, для прополки грядок (табл. IV).

Основная масса тесловидных мотыг в древности имела определенный ареал распространения, однако в современной Армении они иногда встречаются в смешанном виде. Подобный факт объясняется массовым переселением в Советскую Армению жителей различных районов Зап. Армении в 1915—1920 гг.